

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### মঙ্গলবার রাজশাহীতে শুরু হচ্ছে “আমেরিকা সপ্তাহ”

ঢাকা, ৬ই ডিসেম্বর -- বাংলাদেশের জনগণের কাছে পৌঁছে যাওয়ার অব্যাহত প্রচেষ্টা হিসেবে যুক্তরাষ্ট্র দূতাবাস আগামী ৮-১০ই ডিসেম্বর রাজশাহীতে “আমেরিকা সপ্তাহ” আয়োজন করছে। রাজধানী ঢাকার বাইরে বসবাসকারী লোকজনের কাছে যুক্তরাষ্ট্র দূতাবাসের কার্যক্রম উপস্থাপন করার মাধ্যমে যুক্তরাষ্ট্র ও বাংলাদেশের জনগণের মধ্যে যে গুরুত্বপূর্ণ বন্ধন রয়েছে তা এই আমেরিকা সপ্তাহের মাধ্যমে তুলে ধরা হয়। এ নিয়ে দ্বিতীয়বারের মতো রাজশাহীতে আমেরিকা সপ্তাহের আয়োজন করা হচ্ছে। পূর্ববর্তী আমেরিকা সপ্তাহগুলো চট্টগ্রাম, খুলনা, বরিশাল এবং সিলেটে অনুষ্ঠিত হয়েছে।

রাজশাহীতে যুক্তরাষ্ট্র সরকারের অর্থায়নে পরিচালিত যেসব কর্মসূচি রয়েছে সেগুলো জনগণের সামনে উপস্থাপন করা হবে এবারের আমেরিকা সপ্তাহে। এ সময় মানুষের সঙ্গে মতবিনিময় এবং বিভিন্ন প্রকল্প পরিদর্শন কর্মসূচিও থাকবে। আমেরিকা সপ্তাহের অনুষ্ঠানগুলোতে আগত দর্শনার্থীরা যুক্তরাষ্ট্রের বিশ্ববিদ্যালয়গুলোতে অধ্যয়ন সম্পর্কে আরো জানার, যুক্তরাষ্ট্রের ভিসার জন্য কিভাবে আবেদন করতে হয় অথবা যুক্তরাষ্ট্র সরকারের উন্নয়ন প্রকল্পগুলোতে কিভাবে অংশগ্রহণ করতে হয় সে সব সম্পর্কে জানার সুযোগ পাবেন। এছাড়াও, যুক্তরাষ্ট্র দূতাবাস নন্দিত আমেরিকান চলচ্চিত্র প্রদর্শনীও আয়োজন করবে।

পূর্ববর্তী আমেরিকা সপ্তাহগুলোর ধারাবাহিকতায় এবারও দর্শনার্থীরা যুক্তরাষ্ট্র দূতাবাস, যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) ও এর উন্নয়ন অংশীদার প্রতিষ্ঠানসমূহ এবং যুক্তরাষ্ট্রের কিছু ব্যবসা প্রতিষ্ঠান কর্তৃক পরিচালিত ৪০টিরও বেশি বুথ পরিদর্শন করতে পারবেন। এসব বুথ এবং অধিকাংশ উপস্থাপনা রাজশাহী পর্যটন মোটলে আয়োজন করা হবে। এসব বুথ আগামী ৮ই ডিসেম্বর সকাল ১১টা থেকে বিকাল ৫টা এবং ৯ ও ১০ই ডিসেম্বর সকাল ১০টা থেকে বিকাল ৫টা পর্যন্ত খোলা থাকবে। আমেরিকা সপ্তাহের অনুষ্ঠানগুলোতে কোন প্রবেশ মূল্য লাগবে না। অনুষ্ঠানসমূহের একটি পূর্ণাঙ্গ সূচী যুক্তরাষ্ট্র দূতাবাস-ঢাকার ওয়েবসাইট (<http://dhaka.usembassy.gov>)-এ দেয়া হবে।

যুক্তরাষ্ট্র দূতাবাস বাংলাদেশিদের পাশাপাশি রাজশাহী অঞ্চলের যুক্তরাষ্ট্রের নাগরিকদেরও আমেরিকা সপ্তাহ পরিদর্শনের আমন্ত্রণ জানাচ্ছে। যুক্তরাষ্ট্র দূতাবাস আমেরিকার নাগরিকদের জন্য আগামী ৯ই ডিসেম্বর বিকাল ৫টায় রাজশাহী পর্যটন মোটলে একটি টাউন হল সভার আয়োজন করবে। এই সভায় প্রবেশের জন্য কোন প্রবেশ মূল্য লাগবে না। তবে আমেরিকান পাসপোর্ট প্রয়োজন হবে। যুক্তরাষ্ট্র দূতাবাস বাংলাদেশে সকল যুক্তরাষ্ট্রের নাগরিকদের দূতাবাসে নিবন্ধনের জন্য জোর উৎসাহ প্রদান করছে। এই নিবন্ধনের জন্য কোন ফি লাগবে না এবং এটা অত্যন্ত

সহজ। নিবন্ধনের ফলে যুক্তরাষ্ট্র দূতাবাস আমেরিকান নাগরিকদেকে বিশেষ অনুষ্ঠানসমূহে আমন্ত্রণের জন্য যোগাযোগ করতে অথবা কোন জরুরি প্রয়োজনে তাদের অবস্থান জানতে পারবে। অনলাইনে নিবন্ধনের জন্য -  
<https://travelregistration.state.gov/ibrs/ui/> অথবা আরো তথ্যের জন্য -  
<http://dhaka.usembassy.gov/register.html>. ওয়েবসাইটে যোগাযোগ করা যেতে পারে।

=====

জিআর/ ২০০৯